



«САМУҒЫҚ-ҚАЗЫНА» ҚОРЫНЫҢ АКТИВТЕРІН ЖЕКЕШЕЛЕНДІРУ ІСІН ЖАНДАНДЫРУЫ ҚАЖЕТ

Бұл туралы Президенттің баспасөз хатшысы Берік Уәли Facebook парақшасында жазды. Онда: «Өздеріңізге мәлім, Мемлекет басшысы Қасым-Жомарт Тоқаев 11 қаңтарда өткен Мәжілістің пленарлық отырысында «Самұрық-Қазына» қорының қызметін толығымен трансформациялау қажет екенін айтқан болатын.

Қордың портфельді компаниялары – ұлттық экономиканың жүйе құраушы құрылымдары. Сондықтан қазір экономиканы құрылымдық жағынан қайта құру және ресурстарды ел игілігіне бағыттау жөніндегі міндеттердің орындалуы қордың жұмысына байланысты.

Мемлекет басшысының пікірінше, Үкімет, ең алдымен тым көп басқару құрылымдарын қысқартумен айналысуы керек. Сонымен қатар мемлекет пен халықтың мүддесіне бағытталған табыстарды арттыру үшін «Самұрық-Қазына» мен Үкімет арасындағы өзара қатынастардың сипатын өзгерту қажет.

Қасым-Жомарт Тоқаев Үкіметтен экономика-

ның негізгі салаларында шынайы бәсекеге негізделген орта қалыптастыруды және қор мен ұлттық компаниялардың сатып алу жүйелерінің ашықтығын қамтамасыз етуді талап етті.

Президенттің пікірінше, мемлекет экономикаға көп араласа бермеуі керек және осы тұрғыда «Самұрық-Қазына» қорының активтерін жекешелендіру ісін жандандыруы қажет.

Осыған орай жекешелендіру кезінде ашықтықты сақтау маңызды. Онсыз экономиканы құрылымдық тұрғыдан қайта құру мүмкін емес. Президент Үкіметтен және Жекешелендіру жөніндегі мемлекеттік комиссиядан нақты ұсыныстар мен іс-әрекеттер күтеді», – делінген.

АВИАЦИЯ АҚСАП ҚАЛА МА?

Төтенше жағдайға байланысты әуекомпаниялар халықаралық рейстерді қысқартуға мәжбүр болды. Ұшақтар қаңтарылып, билет сатылымы тоқтады. Қалыпты өмірге келе бастаған қалаларда әуекомпаниялары кестелерін енді ретке келтіріп жатыр. Екінші жағынан елдегі эпидемиал да жығылған үстіне жұдырық болып отыр. Соңғы екі жылдан бері шығыннан көз ашпай келе жатқан әуекомпанияларының жолаушылар тасымалдауын ретке келтіргені дұрыс па, әлде коронавирустың таралу қаупін ескергені жөн бе?



Елде енгізілген төтенше жағдай режимі бірқатар ауқымды әуекомпаниялары рейстерін қысқартып, жұмысын тоқтатып жатыр. Әрине, бұл компанияларға ешқандай кіріс кірмеуіне алып келеді. Сәйкесінше, салығы бар, қызметкерлердің айлығы, ұшақты тұраққа қоятын қаражат та қажет. Жалпы, 2020 жылдан бері отандық авиация индустрия пандемияның зардабын тартып жатыр. Негізгі табысы жолаушылар ағынына тікелей тәуелді

саланың сол жылы барлық рейстері тоқтаған кезде әуекомпаниялары жүк тиеп, репатриациялық рейстер есебінен шығындарын жабуға тырысты. Алайда бір жыл бұрын Air Astana әуекомпаниясы небәрі 33,1 млн доллар табыс тапқан. Бұл алдыңғы жылмен салыстырғанда 81 пайызға төмен. Qazaq Air әуекомпаниясы болса жыл басталар кезде жоспарлаған табысының 60 пайызына ғана қол жеткізді. Ал SCAT

әуекомпаниясының жолаушылар тасымалы екі есе қысқарып, орындалмаған рейс билеттерін 100 пайыз қайтарып беруі – компанияның қаржылық жағдайын біршама қиындатты. Ал елдегі соңғы жағдай әуекомпанияларының жұмысын тағы ауырлатып отыр. Оның артынан, коронавирустың қайта күшіне енуі ел елендітіп қойды.

(Жалғасы 5-бетте)

БЕКЕТАЕВ ТА КЕТТІ...



Саясаттануда «бір тақырыптың саясаткері» деген ұғым бар. Бұл ұғым Әділет экс-министрі Марат Бекетаевтың қызметін сипаттаса керек. Ол Статименшайқасқан министр ретінде ел есінде қалды. «Соны жеңсе, миссиясын аяқтап, қызметінен кетер» десті саясаттанушылар. Дәп солай болды. Өткен жыл соңында Бекетаев командасы Статиді жеңгенін жариялады. Әрине, оның білгір министр екенін, оны жаңа Үкіметтен көргісі келетінін айтып, қорғаштаған сарапшылар табылды. Сонда Марат Бақытжанұлы нендей жетістікке жетті, неге жете алмады?

4 >>

ЕСКІ КӨЛІГІН ӨТКІЗЕ АЛМАЙ ЖҮР

Шымкент қаласында ескі көліктерді өткізумен айналысып, нәпақасын тауып жүрген бір топ азамат наразылыққа шықты. Айтуларына, ескі көліктерді қабылдап жүрген утилизация орталығы жұмысын тоқтатып қойған. Тіпті, көлік бойынша қызмет көрсететін орталық та ескі көліктердің құжаттарын рәсімдеуден бас тартты.



ЕСКІ КӨЛІК ӨТКІЗУДІ КӘСІП ЕТКЕНДЕР АЛАНДАУЛЫ

Мемлекет басшысы Қасым-Жомарт Тоқаев жуырда Мәжілістің жалпы отырысында утильдік алым мөлшерлемесін қайта қарауды тапсырған. «Кәсіпкерлер мен жалпы қоғамда «Оператор РОП» компаниясының қызметі көптеген сұрақ туындатып отыр. Тіпті, осы жеке компанияға қарсы қоғамдық қозғалыс та ұйымдастырылды. Мен Үкіметке «Оператор РОП» утильдік алым жинауын әкімшілендіруді тыйым салуын тапсырамын. Мұнымен шет мемлекеттердегідей мемлекеттік ұйым айналысуы керек. Алымдарды өзіне келсек, олардың ставкасы қайта қаралуы тиіс», – деді Президент.

7 >>

«ҚАСІРЕТТІ ҚАҢТАР»: ШЕРУШІ КІМ, СОДЫР КІМ?



Сонымен, бүлік кезінде көз жұмғандар жайлы ресми дерек шықты. Мәйітханаларға барлығы 225 адам әкелінген екен.

Одан бөлек, 4 353 адам жарақат алған. Олардың 19 полиция қызметкері қаза болған, 3 393-і жарақат алған. Ал қалғандарының арасында содыр, бейбіт азаматтар қанша екені белгісіз. Қандай баптармен іс қозғалып жатыр? Асыра сілтеу болып жатқан жоқ па? Оны білік бүгінге дейін ашып, анықтап айтпай отыр.

КОСАҚ АРАСЫНДА КЕТКЕНДЕР КӨП ЕМЕС ПЕ?

Қоғамды да аландатып отырғаны осы сұрақтар. Ендеше аққарасын ажырататын дүниелер өте көп. Бұл қыруар шаруаны, табанды тергеуді, прокурорлық зерттеуді, одан қалды объективтің сот бағасын талап етеді. Әрине,

аласапыранға толы төрт күнде оқиғаның қалай өрбігені туралы көптеген мәлімет базалары, ақпарат көздері, техникалық жазбалар жеткілікті. Азаматтардың өздері түсіргені бар, көшедегі бақылау камераларына жазылғаны бар – мұның барлығы қаңтар оқиғасының хронологиясын түзуге айтарлықтай мүмкіндік бермек. Әрине,

оқиғаның өрбу барысы ырықтан шыққан сәттерде адам құқы бұзылып, халықты тәртіпке шақыру үшін немесе тарату үшін құқық қорғаушылар тарапынан адам өлтірмейтін арнайы құралдар мен техникалар пайдаланылғанын жоққа шығаруға болмайды.

4 >>

РЕВАКЦИНАЦИЯ: ЖАҢА ЕКПЕГЕ ДАЙЫНБЫЗ БА?

Еліміз ковид құрсауына ілікті. Түркістан облысы ғана «сары аймақта». Қалған өңірлер түгел «қызыл аймақта». Кешелі бері 11 мыңнан аса адам вирус жұқтырды. Индеттің таралуына вакцинация ғана тойтарыс бере алатынын ескерсек, халық жаппай вакцинамен «қаруланғанша» тағы біраз уақыт қажет. Ревакцинация қалай жүргізіліп жатыр? Екпе салдыру үшін Бішкек пен Ташкентке неге сабылып жатыр? Олар отандық медицинаға сенбей ме, әлде елде екпе жетіспей отыр ма?

3 >>



ҰРЛАНҒАН ЗАТТАРДЫ САТЫЛЫМНАН ІЗДЕҢІЗ...


Еліміздегі бүлік кезінде сауда орындары мен дүкендерді тонағандардың қарасы көп тәрізді. Себебі жаппай ұрлық Алматыда ғана емес, өзге де қалаларда болған. Кейін тонаушылардың біразы бейнежазбаға түсіп қалғанын көрдік. Ендігі мәселе – ұрланған заттар саудаланып жатқан секілді. Өйткені онлайн саудада әртүрлі жаңа тауарлардың арзан бағамен сатылатыны жайлы күмәнді жарнамалар көбейді. Өкініштісі сол тонаушылардың қатарында қарапайым тұрғындар да бар. Егер ұрылар ұсталған жағдайда оларды қандай жаза күтпек?

КҮМӘНДІ ЖАРНАМАДАН КӨЗ СҮРІНЕДІ

Қазір жарнамаларды қарап отырып, ұрланған не ұрланбағанын анықтау қиын-ақ. Құзырлы органдар үшін бұл өзекті мәселеге айналатын сынай бар. Күдік көбейгесін бе, әйтеуір жарнамадағы сатушылар тауардың сатып алған күні мен түбіртегі бар екеніне сендіретін болыпты. Кейбіреулер тіпті, телефонмен бірге ресми кепілдік талонын да суретке түсіріп, жүктеген. Дегенмен онлайн сауда алаңында әдеттегідей қолданылған, ескілеу заттар емес, жаңа тауарлардың тым көбейіп кеткенін аңғардық. Мәселен, olx.kz сайтына ашып, бүлік болған 5-6 қаңтардан кейінгі

жарнамаларды шолдық. Күмәнді жарнамалар, әсіресе Алматы қаласында көп. Тонаушылардың ең көп олжаға кенелген жері осы қала екенін білеміз. 6 қаңтардан бастап жүктелген жарнамадағы тауарлардың дені – жаңа заттар. Қолданылған немесе ескілерін сирек ұшыратасыз. Біразы iPhone телефондарының соңғы, жаңа үлгілерін сататынын айтқан. Қуны нарықтағы орташа бағадан 100-150 мың теңгеге арзан. Бұдан бөлек, әлемге танымал брендтердің киім-кешектері мен қымбат нәрселердің да жарнамасы қаптап кеткен.

(Жалғасы 5-бетте)





Сенаторлар отырыстың күн тәртібін бекітті

Сенат Спикері Мәулен Әшімбаевтың төрағалығымен палата бюросының отырысы өтті. Онда 2022 жылғы 20 қаңтарда өтетін Сенат отырысының күн тәртібі бекітілді.

Алдағы палата отырысында депутаттар Мемлекет басшысының Жарлығымен сенатор болып тағайындалған Бейбіт Исабаевты Сенаттың тұрақты комитетінің құрамына сайлау мәселесін қарайды.

Сонымен қатар Сенат отырысында «Заттар мен материалдардың құрамы мен қасиеттерінің стандартты үлгілерін жасау және қолдану жөніндегі ынтымақтастық туралы келісімді ратификациялау туралы» заң жобасы қаралады.

Бұл келісім сауда-экономикалық, ғылыми-техникалық және ынтымақтастықтың өзге де

салаларындағы техникалық кедергілерді жоюды, сондай-ақ заттар мен материалдардың стандартты үлгілеріне мемлекеттің қажеттілігін қамтамасыз етуді көздейді.

Сондай-ақ бюро отырысы кезінде Мәжілістен келіп түскен «Қазақстан Республикасының халықаралық шарттары туралы» Қазақстан Республикасының заңына өзгерістер мен толықтырулар енгізу туралы» және «Қазақстан Республикасының Үкіметі мен Америка Құрама Штаттарының Үкіметі арасындағы халықаралық салық тәртібін жетілдіру туралы келісімді ратификациялау туралы» заң жобалары жұмыс үшін тиісті комитеттерге бөлініп берілді.

Ж.НҰРЛАН

Шығыстағы бүліктің шығыны анықталды



Биылғы жыл басындағы жаппай бейберекетсіздік барысында ШҚО-да 150-ге жуық полицей мен әскери қызметші жараланған. Polisia.kz порталының хабарлауына, бүлікшілердің жолын кесуге ұмтылған полицейлер мен әскерилерге дүркін-дүркін шабуыл жасап, ұрып-соққан.

Полицейлер қаладағы құқықтық тәртіпті қорғап, жаппай заңсыздыққа қарсы шықты. Террористік шабуылдардың жо-

лын кесу және меморгандардың әкімшілік ғимараттарына жасалған қарулы шабуылдарға тойтарыс беруі нәтижесінде 128 поли-

ция қызметкері мен Ұлттық ұланның 19 әскери қызметшісі жарақат алды.

Сондай-ақ облыс бойынша заңсыз іс-әрекеттер нәтижесінде 26 бірлік қызметтік автокөлік зақымданып, жарамсыз болып қалған.

Өскемен және Семей қалаларының орталық аялдарына барлығы 5 мыңнан астам адам жиналған. Құқық қорғау органдарының үндеулері мен түсіндіру жұмыстарына қарамастан, ланкестер әкімшілік ғимараттарға ғана емес, сонымен қатар жолда кездескен мүлік пен автокөлікке де шабуыл жасапты. Шабуыл мақсатында олардың заңсыз сақталған атыс қаруын, ұрып-соғу және жаншып-кесу заттарын пайдаланғаны айтылды. Пиротехникалық және қолдан жасалған тұтану қоспалары қолданылған.

Ерік ЕРДЕНОВ

Қала әкімі қамалды

Маңғыстау облысындағы Форт-Шевченко қаласының әкімі көлікті мас күйде жүргізгені үшін жауапкершілікке тартылды. Шенеунікті 15 тәулікке қамауға алу туралы сот үкімі шыққан.



Әкімді 4 қаңтар күні сағат 11-лер шамасында «Ақтау – Форт-Шевченко» тасжолында Toyota Camry көлігімен келе жатқанда полицейлер тоқтатқан. Шалқыбай Әзірбаевқа медициналық сараптама жасалып, «алкогольдік масаң күйі жеңіл дәрежеде» деген қорытынды шығыпты. Осы оқиға бойынша түсірілген видео әлеуметтік желіде де талқыға түскенін білеміз. Көпшілік әкімнің ерсі қылығын сынап тастады. Сот отырысында ол өз кінәсін мойындамаған екен. Тексырқаттануына байланысты мойнын спиртпен сылағанын айтып, ақталды.

– Түпқараған аудандық сотында Форт-Шевченко қаласының әкімі Әзірбаев Шалқыбайға қатысты ҚР ӘҚБтК-нің 608-бабының 1-бөлігімен көзделген әкімшілік іс қаралды. Дәрігер оның масаң күйін алкотест құралын пайдаланып анықтаған. Оған ҚР ӘҚБтК-нің 608-бабының 1-бөлігімен кінәлі

Мадияр ТӨЛЕУ

Депутаттар біркүндік жалақысын аударды



Сенат пен Мәжіліс депутаттары Мемлекет басшысы Қасым-Жомарт Тоқаевтың «Қазақстан халқына» қоғамдық әлеуметтік қорын құру туралы бастамасын қолдап, біркүндік жалақысын осы қорға аударды.

«Қазақстан халқына» қоғамдық әлеуметтік қорын құруды ел Президенті Қасым-Жомарт Тоқаев биылғы 11 қаңтарда Мәжіліс отырысында сөйлеген сөзінде тапсырған болатын.

Қор денсаулық сақтау, білім беру және әлеуметтік қолдау салаларындағы нақты проблемалармен айналысатын болады.

Мемлекет басшысы атап өткендей, қорда жиналған қаражат сирек кездесетін ауруға шалдыққан балаларға көмек көрсетуге, қала, аудан, кент, ауылдарда балаларға арналған спорт нысандарын салуға, дарынды балаларға қолдау көрсетуге және басқа да әлеуметтік мақсаттарға бағытталады.

Г. БЕК

Құлыбаев «Атамекеннен» кетті



«Атамекен» ұлттық кәсіпкерлер палатасы президентінің төрағасы Тимур Құлыбаев қызметінен кетті.

Бұл жайында палата сайты Тимур Құлыбаевтың үндеуін жариялады.

«Мен бүгіннен бастап «Атамекен» ұлттық кәсіпкерлер палата-

сы төрағасының сайланған төрағасы өкілеттігін доғаруды ұйғардым.

Съезд делегаттары мен төралқа мүшелеріне маған сенім білдіргені үшін алғыс айтамын. Ұлттық кәсіпкерлер палатасының жоғары бақылау органын сегіз жыл бойы басқару мен үшін

үлкен құрмет пен жауапкершілік болды.

Қатардағы сарапшылардан бастап аудандық филиалдардың басшыларына дейін «Атамекен» ұжымына бірлескен нәтижелі жұмыс үшін айрықша ризашылығымызды білдіреміз», – деді Тимур Құлыбаев.

Сондай-ақ ол үндеуінде «Атамекен» ұлттық кәсіпкерлер палатасының азды-көпті жетістігіне де тоқталып, палатаның алдағы жұмысына сәттілік тіледі.

Тимур Құлыбаев 2010 жылдың сәуір айында «Атамекен одағы» Қазақстан ұлттық экономикалық палатасының президиум төрағасы (ҰЭП) болып сайланған болатын.

Бұған дейін алпауыт ұлттық компаниялардың басшылары қызметтен кеткенін хабарлаған болатынбыз.

Ж. НҰРЛАН

«ҚазМұнайГаздан» «қателік» тапты

Республикалық бюджеттің атқарылуын бақылау жөніндегі есеп комитеті «ҚазМұнайГаз» жұмысындағы заңбұзушылықтарды анықтаған.

«ҚазМұнайГаз» ҰК» АҚ және оның жекелеген ведомстволық ұйымдарының активтерін басқару тиімділігіне қатысты 2021 жылдың мамырында аудит жүргізілген.

Аудит барысында Еңбек заңнамасының кемшіліктері анықталып отыр. Бұл 16 сағат көлеміндегі жұмыс уақыты есебімен бір уақытта бірнеше басшылық лауазымдарды біріктіруге мүмкіндік беретіні атап өтілді.

«Басқарма төрағасының орынбасары (қашықтан) қызметі еншілес ұйымның бас директоры лауазымымен біріктірілген», – делінген хабарламада.



Сондай-ақ «Нысандарды салу жөніндегі серіктестік» корпоративтік қоры Түркістан облысындағы амфитеатр құрылысына бөлінген 307 миллион 938 мың теңгеден үнемделген қаражатты қайтармағаны анықталды.

Соталды арыздан кейін корпоративтік қор «ҚазМұнайГаздың» есеп айырысу шотына көрсетілген ақша сомасын қайтарғаны хабарланды.

Г. БЕКЗАТ

Атыс қаруы жасырылған орын

ҰҚК Шекара қызметінің Жамбыл облысы бойынша департаменті мемлекеттік шекарадан екі шақырым жерден атыс қаруы жасырылған орынды тапты, – деп хабарлады ҰҚК баспасөз қызметі.

Жасырын жерден 4 тапанша мен 6 бірлік ойық және тегіс ұңғылы қару түрлері алынды.

Аталған факті бойынша тергеу амалдары жүргізіліп жатыр.

14 қаңтарда «Қордай» (автокөліктік) өткізу пунктінде жеңіл автокөлікпен келе жатқан Қырғыз елінің азаматы ұсталды. Тексеру кезінде көліктің жүк бөлігінен 50 дана литерлік мөр, 4

дана шетелдік паспорт пен 20 дана банк картасы табылды.

Ұсталған азамат Қордай ау-

даны бойынша АІП-ға тапсырылды.

М.ХАКНАЗАР



